

**MESYUARAT KETIGA, PENGGAL KEMPAT,
PARLIMEN KETIGA BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : BUKAN LISAN

**DARIPADA : YB. DR. MANSOR BIN ABDUL
RAHMAN [SIK]**

NO. SOALAN : 31

minta **MENTERI KEMAJUAN LUAR BANDAR DAN WILAYAH** menyatakan terdapat cadangan sebelum ini untuk mengusahakan tanaman sekunder (tanaman pilihan) bagi peladang-peladang yang terlibat dari sektor perladangan getah. Apakah keputusan tindakan dan kajian daripada pihak Kementerian berkenaan mewujudkan tanaman sekunder bagi sektor perladangan getah seterusnya menaikan taraf ekonomi mereka.

JAWAPAN:

Tuan Yang Di-Pertua,

Kementerian Kemajuan Luar Bandar dan Wilayah (KKLW) melalui Pihak Berkuasa Kemajuan Pekebun Kecil Perusahaan Getah (RISDA) mengambil maklum berhubung dengan perkara yang dibangkitkan oleh Yang Berhormat berhubung dengan cadangan mengusahakan tanaman sekunder (tanaman pilihan) bagi peladang-peladang yang terlibat dari sektor perladangan getah.

Pada masa kini, RISDA melaksanakan **Program Tanam Semula Getah ke Tanaman Lain atau TSGL** dengan keutamaan yang diluluskan iaitu **Sawit, Kelapa, Koko, Kopi, Buah-buahan, Nanas, Orkid dan Lada Hitam.** Program ini dilaksanakan untuk membantu pekebun kecil menanam semula getah tua atau yang tidak ekonomik dengan tanaman lain selain dari getah.

SULIT

Pihak Kementerian dan RISDA juga telah memutuskan bahawa buat masa ini, tiada perancangan penanaman tanaman pilihan yang lain selain daripada yang telah dinyatakan.